

NORMAS DO DEPARTAMENTO RELATIVAS A EXAMES OU PROBAS ESCRITAS

A Orde de 28 de agosto de 1995 pola que se regula o procedemento para garantir o dereito ós alumnos de Educación Secundaria Obrigatoria a que o seu rendemento escolar sexa avaliado conforme a criterios obxectivos establece que as probas, exercicios ou traballos escritos que se utilicen para decidir a nota das avaliacións, ou a de final de curso, ou a de setembro, poderán ser revisadas polos alumnos co profesor.

Polo tanto, este Departamento acorda que dentro dos prazos axeitados, os alumnos ou os seus pais poden revisar un exame en presenza do profesor da materia, pero non se autoriza a extracción do centro dun exame correxido nin tampouco unha copia ou reprodución dixital do mesmo.

Do mesmo xeito, como norma xeral non se repetirán os exames a aqueles alumnos que non comparezan ós mesmos, exceptuando os casos nos que se achegue un certificado médico xustificando a falta de asistencia, ou se poida alegar un problema familiar de carácter grave. Así mesmo, se un alumno chega tarde a unha proba, e con posterioridade a que algún dos alumnos que asistiu teña rematado e saído do lugar de celebración da mesma, non poderá entrar e figurará como non presentado.

En calquera caso, é obrigatorio por parte dos alumnos responder a calquera proba escrita con bolígrafo azul ou negro. Calquera resposta dada con lapis, portaminas, ou bolígrafo vermello, non será avaliada, nin correxida, nin puntuada, senón que recibirá o tratamento correspondente a unha resposta en branco

Por último, se durante a realización dun exame ou proba escrita un alumno é descuberto copiando - sexa dun compañeiro, dunha chuleta ou grazas a calquera procedemento tecnolóxico -, o profesor dará por finalizada dita proba para ese alumno, e puntuaráa cun cero.